



Broj: 04-04-10308-49/20
Sarajevo, 11.05.2020. god.

KANTON SARAJEVO
SLUŽBA ZA SKUPŠTINSKE POSLOVE
n/r Predsjedavajući Skupštine Kantona Sarajevo

PREDMET: Odgovor na zastupničko pitanje

U prilogu dopisa dostavljamo Vam odgovor na postavljeno zastupničko pitanje zastupnice Danijele Kristić koje je postavljeno na 24. Radnoj sjednici Skupštine Kantona Sarajevo, koja je održana dana 23.04.2020. godine.

Zastupničko pitanje:

“ - Odstrane umirovljenika KJKP GRAS informisana sam o tome da su otišli u mirovinu pod nepovoljnim uslovima, te da im nisu uplaćeni doprinosi za 7 i više godina.
- Molim vas da mi dostavite informacije koje posjedujete o tome, te da me informišete koje su Vaše planirane aktivnosti kada je riječ o rješavanju te problematike?”

Odgovor: KJKP „Gradski saobraćaj“ d.o.o. Sarajevo je je privredno društvo sa 100% učešćem državnog kapitala, čiji osnivač je Kanton Sarajevo. Od 2000-te godine do danas u ovom Društvu nagomilan je niz problema koji su rezultirali velikim finansijskim dugovima po više osnova. Porezi i doprinosi se nisu plaćali od januara 2009. godine do decembra 2016. godine. Ukupan dug prema Poreznoj upravi Federacije Bosne i Hercegovine na dan 31.12.2019. godine je cca 195.733.000,00 KM od čega je osnovni dug veći od 90.442.000,00 KM, kamate veće od 99.589.000,00 KM a troškovi prinudne naplate su 5.722.000,00 KM.

U prethodnom period je obavljeno više razgovora o mogućnosti rješavanja ovoga problema. Od strane Porezne uprave Federacije BiH su nam prezentirani modeli reprograma duga od kojih bi vjerovatno najpogodniji bio plaćanje obaveza u periodu od 10 godina uz davanje adekvatnih garancija i zaloga od strane preduzeća. Prednost ovog načina izmirenja je jer bi se uz pretpostavku redovnog izmirenja reprogramiranih obaveza, postoji mogućnost otpisa kamata, te eventualno i dijela obaveza (glavnice) po osnovu nekih doprinosa. Također plan otplate duga nije obročni već bi se izmirivao u skladu sa mogućnostima dužnika. Obavezu servisiranja reprograma u periodu od 10 godina bi preuzeli zajedno Kanton Sarajevo i KJKP GRAS d.o.o. Sarajevo.

Rješavanje problema 128 uposlenika koji su penzionisani pod nepovoljnim uslovima je uslovljeno rješavanjem duga prema Poreznoj upravi FBiH. Na više sastanak od strane Porezne uprave Federacije BiH nam je objašnjeno da se mora izmiriti kompletno dugovanje kako bi se



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



status ovih penzionera promjenio. Ukupan iznos duga za poreze i doprinose za ovu grupu uposlenika iznosi 6.824.154,00 KM.

U skladu sa Programom konsolidacije poslovanja KJKP „GRAS“ d.o.o. Sarajevo Vlada Kantona Sarajevo godišnje daje saglasnost na Program restrukturiranja i zbrinjavanja uposlenika koji se donosi u skladu sa Odlukom o usvajanju programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla („Službene novine Federacije BiH“, broj 05/07). Sve ostale pravne radnje oko provođenja Odluke o usvajanju programa mjera za socijalno zbrinjavanje zaposlenika koji su u procesu stečaja, likvidacije, restrukturiranja i privatizacije preduzeća ostali ili ostaju bez posla provodi Javna ustanova „Služba za zapošljavanje Kantona Sarajevo“.

Ova grupa uposlenika nije bila obuhvaćena programom zbrinjavanja već je penzionisana po drugim pravnim osnovima.

Za rješavanje ovoga problema potrebno je postizanje Sporazuma sa Poreznom upravom FBiH i planiranje sredstva u Budžetima Kantona Sarajevo u narednim budžetskim godine.

S poštovanjem,

Dostaviti:

- naslovu
- Stručna služba Vlade
- evidencija
- arhiva



MINISTAR

Adi Kalinić adi.kalini@ms.ks.gov.ba



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

